

REGIONAL NEWS

RAIN HAVOC

Thla hlui May ni 24 atanga nimin May ni 31 chawhnu her thlenga Mizorama chhياتna thlengah hmun hrang hrangah fur ruah surin chhياتna a thlen avangin mi 5-in an thihphah tawh.

Disaster Management & Rehabilitation hnuai a State Emergency Operation Centre (SEOC)-in district hrang hranga District Emergency Operation Centre (DEOC)-te report a khaikhawma-ah chuan leimin leh lei tawlh hmun 113 a a thlen bakah hian Mizoram pumah in chhia leh in chim 49 a awm a, chhungkaw chenna in 17 rauhsan a nih bakah hmun hrang hrang 33-ah kawng a ping a ni. Kawng ko lungrem chim hmun 16-ah a awm a, hmun 2-ah lung a tla a. Thing tlu, electric ban tlu leh saberekakhuangkaih hmun 1 theuhah a thleng bawk a ni.

Tukin khan Aizawl khawpui leh a chhehvelah chhياتna a thleng leh nual hman tawh a. Hriat theih chinah - Hunthar venga Fanai Hotel bulah kawngchhak leimin-in Sairang panna kawng a hnawh ping a, thian fai turin PWD an inbuatsaih a. Phunchawnga thingkung tlu avangin lirthei lian a kal tlang thei lo. Ophel dawr pel hret Ngaizelah kawngchhak min avangin kawng a ping a. Hei bakah hian Zemabawk Petrol pump thlen hma leiminna lai a min belh a kawng a ping rih.

Aizawl Meteorological Centre-in tukin dar 8 leh a chanve a a chhinchhiah danin Aizawl khawpui-ah ruah milimetre 97 point 4 a tla a, Lengpui-ah milimetre 66 point 2 a tla. Hemi hun thova ruah tlak tamna ber chu Serchhip-ah milimetre 104 leh point 60 a tla a, Kolasib-in dawtin milimetre 98 leh point 30 a tla a. Lunglei-ah milimetre 78 point 90 a tla bawk a ni.

<><><>

ROAD BLOCKS

Tun hnai ruahpui vanawn sur leh khaw cheng zui zel avangin Mizoram hmun tam takah leiminin kawng a hnawh a, hmun tam tak kalpawh theih a ni lo.

Vawiin chawhma lama hriat theih chinah Aizawl, Thenzawl leh Lunglei inkar kawngpui, Sialsuk leh Thenzawl inkara Sentezel lung lakna hmun, nimina ping chu nizan lamah nasa takin a chim belh leh a, lei laihna khawl hmanga thenfai tuma kalte pawhin lung tla a awm reng avangin hna an thawk ngam rih lo. Vawiin hian kawng hi a tlang hman a beiseiawm loh va, khua a tui hul deuh hma phei chuan helai hi titlang tura beih hrâm ngam pawh a nih loh mai bakah tlang thei pawh nise khualzin tan pawh a him lo hrim hrim niin an sawi. Helai kawngpui hi hmar lam atanga chhim lam leh chhim lam atanga hmar lama zin tam takin an kawng zawh a nih avangin kawng a zin mek mi tam tak an tangkhang a. Sialsuk atanga thudawn danin an khua-a nizana riak in report zat chu mi 300 chuang an ni a, in report lo, lirthei a riak zawng zawng nen chuan mi 500 an tlin an rin thu an sawi. Thenzawl lamah pawh hmar lam pan tangkhang, nizana riak an thahnem hle ni a thudawn a ni.

Thenzawl leh Buarpui inkar kawngpui, nimina thenfai hman tak loh hmun 2 chu vawiin chawhma hian lirthei tlangtir hman beisei a ni a. Thenzawl leh Serchhip inkar Chalkhan kawn atanga Serchhip chu hmun 4-ah kawng a ping, kawng ping vek chiah lo, leiminna hmun tam tak a awm bawk. He lai kawng thianfai tur hian ruahmanna siam mek a ni.

<><><>

SUNDAY SCHOOL

Vawiin Pathianni ah ruah a la tama,a han meuh bawk si loh avangin tualchhung kohhran thenkhat chuan naupang sande sikul chawlh an puang.

Hriat theih chinah Aizawl-ah chuan Zotlang, Hunthar, Dawrpui vengthar leh College veng Presbyterian naupang sande sikul chawlh an puang hlawm a. Lungdai a Hmar veng Presbyterian Kohhran pawhin Beginner atanga Junior department inkar zawng tan chawlh an puang bawk a. UPC (North East India) Biakinpui kohhran, Serchhip chuan vawiin chhun leh zan inkhawm chawlh an puang bawk.

He tih lai hian an khua leh veng chung kawng chhiat leh inkalpawh theih loh khawpa leiminin kawng a tihpin avanga inkhawm chawlh puang an awm nual bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.

<><><>

PM

Prime Minister Narendra Modi chuan Operation Sindoor chu India hmeichhia te chakna tilang tu pawimawh tak a ni a ti.

He thu hi nimina Bhopal-a Jamboori Maidan a Lokmata Devi Ahilya Bai piancham vawi 300-na puala lawmna buatsaih Women Empowerment Maha ah a sawi a. Prime Minister chuan Operation Sindoor chu India chakna leh huaisenna tilangtu pawimawh tak a nih thu a sawiin Operation Sindoor hlawhtlinna chu hmeichhia te huaisenna vang a nih thu a sawi.

Hemi pual hian Prime Minister chuan hmasawna hnathawk hrang hrang a hawng a, heng zingah hian Indore Metro-a airport pahnih Satna leh Datia te a hawng nghal a ni.

<><><>